



INSURANCE AGENCY OF
BOSNIA AND HERZEGOVINA

Broj: 02-16-1-35-14/LS
Sarajevo, 23.09.2024

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17) i člana 8. stav (4) Odluke o postupku srednjoročnog planiranja, praćenja i izvještavanja u institucijama Bosne i Hercegovine („Službeni glasnik BiH“, broj 48/24 i 79/24), vršilac dužnosti direktora Agencije za osiguranje u Bosni i Hercegovini donosi

ODLUKU
o usvajanju Srednjoročnog plana rada
Agencije za osiguranje u Bosni i Hercegovini
za period 2026-2028. godine

- 1) Ovom odlukom usvaja se Srednjoročni plan rada Agencije za osiguranje u Bosni i Hercegovini za period 2026-2028. godine (u daljnjem tekstu: Srednjoročni plan).
- 2) Srednjoročni plan je sastavni dio ove odluke.
- 3) Srednjoročni plan objaviće se na službenoj internet stranici Agencije za osiguranje u Bosni i Hercegovini.
- 4) Ova odluka stupa na snagu danom donošenja.

Obrazloženje

U skladu sa Odlukom o postupku srednjoročnog planiranja, praćenja i izvještavanja u institucijama Bosne i Hercegovine, Agencija za osiguranje u Bosni i Hercegovini (u daljnjem tekstu: Agencija) je provela procedure propisane navedenim aktom – izradu prednacrt a i nacrt a Srednjoročnog plana rada i postavljanje prednacrt a navedenog dokumenta na veb platformu eKonsultacije, kako bi se provele konsultacije. U periodu provođenja konsultacija za Prednacrt Srednjoročnog plana, nije bilo prijedloga, primjedbi niti komentara.


Nakon završetka opisanih procedura, Nacrt Srednjoročnog plana dostavljen je Ministarstvu finansija i trezora Bosne i Hercegovine (u daljnjem tekstu: Ministarstvo) na mišljenje. Srednjoročnim planom utvrđen je strateški okvir, mandat, misija i vizija Agencije, učesnici i partneri, osnovna programska opredjeljenja, resursi i kapaciteti potrebni za postizanje ciljeva, okvir za praćenje provođenja plana i Akcionog plana sa tabelarnim pregledom ciljeva programa, programa institucije, programskih aktivnosti, projekata, pokazatelja, procijenjenih troškova za njihovo provođenje u planskom periodu, planom pripreme zakona, podzakonskih akata, strateških dokumenata i međunarodnih ugovora, sporazuma i/ili konvencija u planskom periodu.

U svom Mišljenju na Srednjoročni plan rada Agencije za osiguranje u Bosni i Hercegovini za period 2026.-2028. god. br. 13-02-2-969-2/26 od 11.03.2026. Ministarstvo je konstatovalo da je Srednjoročni plan pripremljen u skladu sa metodološkim smjernicama navedenim u Odluci o postupku srednjoročnog planiranja, praćenja i izvještavanja u institucijama Bosne i Hercegovine.

U skladu sa opisanim činjeničnim stanjem, odlučeno je kao u dispozitivu odluke.

Dostaviti:

1. oba odjeljenja Agencije;
2. službena internet stranica Agencije za osiguranje u Bosni i Hercegovini i
3. a/a.



v.d. Direktor
Adem Zolota

AGENCIJA ZA OSIGURANJE
U BOSNI I HERCEGOVINI



АГЕНЦИЈА ЗА ОСИГУРАЊЕ
У БОСНИ И ХЕРЦЕГОВИНИ

Broj: 02-16-1-35-13/25
Sarajevo, 23.03.2026

***SREDNJOROČNI PLAN RADA
AGENCIJE ZA OSIGURANJE U BOSNI I HERCEGOVINI
ZA PERIOD 2026-2028. GODINE***

SADRŽAJ

Uvod	2
1. Strateški okvir	2
2. Mandat, misija i vizija	3
3. Učesnici i partneri	4
4. Osnovna programska opredjeljenja	5
Program: Usklađivanje propisa u oblasti osiguranja	6
Programska aktivnost: Unapređenje usklađivanja propisa na tržištu osiguranja	6
5. Resursi i kapaciteti potrebni za postizanje ciljeva	7
6. Okvir za praćenje provođenja plana	8
Definisanje ključnih pokazatelja	8
Metode za prikupljanje informacija o pokazateljima	8
Osnovni zaključci prethodnog Izvještaja o provođenju plana rada	8
Tabela 1: Pregled mjera i povezanih elemenata preuzetih iz SPRVM, odnosno relevantnih strateških dokumenata	9
Tabela 2: Pregled projekata koji doprinose realizaciji prioriteta i strateških ciljeva	10
Tabela 1: Planirane programske aktivnosti i projekti za koje su osigurana sredstva	11
Tabela 2: Planirani projekti za koje nisu osigurana sredstva	12
Tabela 3: Plan pripreme akata	13
Lista visokih i kritičnih strateških rizika i mjera za otklanjanje rizika	14

SREDNJOROČNI PLAN RADA
AGENCIJE ZA OSIGURANJE U BOSNI I HERCEGOVINI
ZA PERIOD 2026.-2028. GODINE

Uvod

Srednjočni plan rada Agencije za osiguranje u Bosni i Hercegovini za period 2026.-2028. godine sadrži najznačajnije zadatke koje Agencija za osiguranje u Bosni i Hercegovini (u daljnjem tekstu: Agencija) planira izvršiti u periodu 2026.-2028. godine, koji doprinose ostvarenju usvojenih strateških ciljeva i prioriteta Vijeća ministara Bosne i Hercegovine (u daljnjem tekstu: Vijeće ministara), sadržanih u Strateškom okviru institucija BiH do 2030. godine i u Srednjoročnom programu rada Vijeća ministara za period od 2026. do 2028. godine.

Srednjočni plan rada Agencije za osiguranje u Bosni i Hercegovini za period 2026.-2028. godine izrađen je u skladu sa Odlukom o postupku srednjoročnog planiranja, praćenja i izvještavanja u institucijama Bosne i Hercegovine („Službeni glasnik BiH“, br. 48/24 i 79/24).

1. Strateški okvir

Strateški okvir Agencije čine i slijedeći strateški dokumenti usvojeni od strane Vijeća ministara:

- Strateški okvir institucija BiH do 2030. godine;
- u Srednjoročnom programu rada Vijeća ministara za period od 2026. do 2028. godine;
- Strategija za borbu protiv korupcije i Akcioni plan 2024 – 2028;
- Strategija unapređenja upravljanja javnim finansijama institucija BiH 2021-2025;
- Strateški okvir za reformu javne uprave u BiH do 2027. godine i Akcioni plan.

Nadležnosti Agencije propisane su Zakonom o Agenciji za osiguranje u Bosni i Hercegovini (“Službeni glasnik BiH”, broj 12/04).

Strateški okvir institucija BiH do 2030. godine, koji je uzeo u obzir važeće strateške dokumente usvojene od strane Vijeća ministara Bosne i Hercegovine i obaveze prema Sporazumu o stabilizaciji i pridruživanju između Evropskih zajednica i njihovih država članica, s jedne strane i Bosne i Hercegovine, s druge strane, predstavlja strateški okvir za pripremu Srednjoročnog programa rada Vijeća ministara Bosne i Hercegovine. Srednjoročni program rada Vijeća ministara kao i Strateški okvir institucija BiH do 2030. godine je osnova za pripremu Srednjoročnog plana rada Agencije za osiguranje u Bosni i Hercegovini.

2. Mandat, misija i vizija

Mandat

Agencija je osnovana Zakonom o Agenciji za osiguranje u Bosni i Hercegovini („Službeni glasnik BiH“, broj 12/04) kao samostalna upravna organizacija koja za svoj rad odgovara Vijeću ministara Bosne i Hercegovine.

Ciljevi Agencije su:

- da ostvari jedinstvenu primjenu zakona o osiguranju između entiteta;
- da ostvari nesmetanu i djelotvornu saradnju između agencija za nadzor osiguranja u Federaciji Bosne i Hercegovine i Republici Srpskoj;
- da ostvari primjenu i tumačenje entitetskih zakona na pravičnoj i jedinstvenoj osnovi;
- da ostvari usaglašenost zakona o osiguranju koje je na snazi u entitetima u cilju da se osigura jednak i ravnopravan odnos prema svim društvima za osiguranje u oba entiteta i Brčko Distriktu Bosne i Hercegovine;
- da ostvari jednaku pravnu zaštitu kako za ugovarače osiguranja, tako i za treću stranu - podnosiocima odštetnih zahtjeva na teritoriji Bosne i Hercegovine;
- da ostvari koordinirano predstavljanje i zastupanje Bosne i Hercegovine u organizacijama koje se bave osiguranjem na međunarodnom nivou, kao i obavljanje kontinuirane saradnje sa istim;
- da ostvari kontinuiranu saradnju s agencijama za nadzor osiguranja entiteta i Brčko Distrikta, rješavanje sporova između agencija za nadzor osiguranja u pogledu jedinstvenog tumačenja i primjene zakona o osiguranju na nivou entiteta i Brčko Distrikta i izdavanje pismenih odluka i mišljenja kojima se osigurava jedinstvena primjena zakona o osiguranju;
- da osigura i vodi sve relevantne podatke o cjelokupnom tržištu osiguranja u Bosni i Hercegovini;
- preko Upravnog odbora podnošenje inicijative entitetskim ministarstvima finansija za primjenu propisa Evropske unije ili smjernica za usaglašavanje entitetskih zakona i za usklađenost sa propisima Evropske unije;
- preko Upravnog odbora podnošenje inicijative entitetskim ministarstvima finansija za izmjene i dopune postojećih entitetskih zakona u oblasti osiguranja, uključujući prijedloge za druge vrste osiguranja;
- davanje saglasnosti za izmjene i dopune entitetskih zakona o osiguranju koje su predložene od jednog ili oba entiteta;
- međunarodni odnosi Bosne i Hercegovine u oblasti osiguranja;
- poslovi davanja svih podataka koje može zahtijevati Evropska unija u vezi sa praksom osiguranja u Bosni i Hercegovini u cilju procjenjivanja harmonizacije zakona Bosne i Hercegovine sa standardima Evropske unije;
- uređivanje pitanja koja se odnose na bilo kakvo osiguranje izvoznih kredita koje se nudi izvoznicima osnovanim u Bosni i Hercegovini;

- predstavljanje Bosne i Hercegovine u pogledu osnivanja podružnica ili supsidijarnih društava osiguravajućih društava ili posrednika osnovanih u bilo kojem entitetu ili Brčko Distriktu i u trećim zemljama, uz preporuku odgovarajuće entitetske agencije za nadzor osiguranja;
- koordinacija i saradnja između odgovarajuće entitetske agencije za nadzor osiguranja i odgovarajuće agencije za nadzor osiguranja u trećoj zemlji;
- zaključivanje ugovora o saradnji za razmjenu podataka s nadležnim organima drugih zemalja, uz saradnju s entitetskim agencijama za nadzor osiguranja;
- saradnja s entitetskom agencijom za nadzor osiguranja u svim slučajevima kada to zahtijeva agencija za nadzor osiguranja druge zemlje;
- da vrši ovjeru potvrde o margini solventnosti izdatoj za upotrebu u trećoj zemlji, od bilo koje agencije za nadzor osiguranja, za bilo koje društvo za osiguranje osnovano u Bosni i Hercegovini koje namjerava osnovati podružnicu u trećoj zemlji;
- prosljeđivanje podataka entitetskim agencijama za nadzor osiguranja u pogledu međunarodne prakse osiguranja, međunarodne statistike osiguranja i drugih podataka dobijenih kroz učešće na međunarodnim forumima osiguranja, a koji mogu biti od pomoći agencijama za nadzor osiguranja u obavljanju njihovih funkcija;
- praćenje rada Biroa zelene karte u Bosni i Hercegovini u skladu sa zakonima i propisima koji se primjenjuju na aktivnosti Biroa zelene karte u Bosni i Hercegovini, a u vezi sa ispunjavanjem zahtjeva Vijeća Biroa;
- vođenje statistike u pogledu poslovanja tržišta osiguranja u Bosni i Hercegovini;
- podnošenje statističkih izvještaja, u ime Bosne i Hercegovine, Evropskoj komisiji ili bilo kojem drugom međunarodnom tijelu koje dostavi zahtjev za dobijanje dostupnih podataka.

Vizija

Vizija Agencije je stabilno tržište osiguranja Bosne i Hercegovine, uređeno međuentitetski usaglašenim zakonima, baziranim na međunarodnim standardima osiguranja uvažavajući stepen razvijenosti domaćeg sektora osiguranja.

Misija

Unapređenje tržišta osiguranja Bosne i Hercegovine kroz harmonizaciju zakona, rješavanje sporova između entitetskih agencija za nadzor osiguranja, predstavljanje i zastupanje Bosne i Hercegovine u organizacijama koje se bave osiguranjem, uspostava jedinstvenog statističkog servisa koristeći međunarodno prihvatljive standarde kako bi se postigao jednakopravni tretman svih učesnika na tržištu osiguranja u cilju pružanja što kvalitetnijih usluga građanima i zaštitili njihovi interesi.

3. Učesnici i partneri

Agencija u obavljanju aktivnosti propisanih Zakonom o Agenciji za osiguranje u Bosni i Hercegovini saraduje sa institucijama i organizacijama u zemlji i inostranstvu.

U okviru svojih nadležnosti Agencija u zemlji saraduje sa slijedećim institucijama:

- Zajedničkom komisijom za ekonomske reforme i razvoj oba doma Parlamentarne skupštine Bosne i Hercegovine;
- Agencijom za nadzor osiguranja Federacije Bosne i Hercegovine;

- Agencijom za osiguranje Republike Srpske;
- Biroom zelene karte u Bosni i Hercegovini;
- Udruženjima društava za osiguranje i reosiguranje u Federaciji Bosne i Hercegovine i Republici Srpskoj;
- Udruženjem aktuara u Bosni i Hercegovini;
- Osiguravajućim i reosiguravajućim društvima;
- Zaštitnim fondom Federacije Bosne i Hercegovine i Zaštitnim fondom Republike Srpske;
- Ministarstvom finansija i trezora Bosne i Hercegovine, Federalnim ministarstvom finansija, Ministarstvom finansija Republike Srpske;
- Ministarstvom sigurnosti Bosne i Hercegovine;
- Direkcijom za evropske integracije;
- Direkcijom za ekonomsko planiranje Vijeća ministara Bosne i Hercegovine;
- nevladinim sektorom;
- Drugim institucijama i organizacijama u okviru obavljanja svakodnevnih aktivnosti.

U okviru međunarodnih odnosa Agencija saraduje sa:

- Nadzornim i regulatornim organima zemalja okruženja i zemalja članica Evropske unije;
- European Insurance and Occupational Pensions Authority (EIOPA);
- Međunarodnom asocijacijom supervizora (IAIS);
- Financial Stability Institute (FSI);
- Udruženjima i organizacijama u zemljama regiona koje se bave unaprijeđenjem djelatnosti osiguranja;
- UNDP-om
- Italian Banking Insurance and Finance Federation.

Agencija od osnivanja ima intezivnu međunarodnu saradnju sa institucijama i organizacijama u cilju razmjene iskustava i primjene najboljih praksi u sektoru osiguranja.

Obzirom da je uspostavljena saradnja sa svim relevantnim institucijama i organizacijama na domaćem i međunarodnom tržištu, prostor za unapređenje saradnje postoji tako da Agencija i u narednom periodu planira aktivnosti saradnje sa svim relevantnim institucijama i organizacijama u okviru svojih nadležnosti.

4. Osnovna programska opredjeljenja

Srednjoročni plan rada Agencije za osiguranje u Bosni i Hercegovini sadrži najznačajnije zadatke koje Agencija planira izvršiti u periodu 2026.-2028. godina, koji doprinose ostvarenju usvojenih strateških ciljeva i prioriteta Vijeća ministara Bosne i Hercegovine, sadržanih u Strateškom okvir institucija BiH do 2030. godine i Srednjoročnom programu rada Vijeća ministara za period od 2026. do 2028. godine.

Agencija doprinosi ostvarenju sljedećeg strateškog cilja i prioriteta iz Strateškog okvira institucija BiH do 2030. godine:

- Strateški cilj: Osigurati održiv i pametan ekonomski razvoj

- Prioritet: Poticajno okruženje za razvoj.

Agencija je definisala svoj cilj:

„Povećati usklađenost propisa iz oblasti osiguranja“

Program: Usklađivanje propisa u oblasti osiguranja

Programska aktivnost: Unapređenje usklađivanja propisa na tržištu osiguranja

Opis prioriteta

U skladu sa Zakonom o Agenciji za osiguranje u Bosni i Hercegovini Agencija je samostalna upravna organizacija nadležna za jedinstvenu primjenu zakona o osiguranju između entiteta, kao i osiguranje nesmetane i djelotvorne saradnje između agencija za nadzor osiguranja u Federaciji Bosne i Hercegovine i Republici Srpskoj, te osiguranje da se entitetski zakoni primjenjuju i tumače na pravičnoj i jedinstvenoj osnovi. Agencija je odgovorna za međunarodne odnose Bosne i Hercegovine na polju osiguranja, zaključivanje ugovora o saradnji za razmjenu podataka sa nadležnim organima drugih zemalja, uz saradnju s entitetskim agencijama za nadzor osiguranja i vođenje statistike o aktivnosti tržišta osiguranja u Bosni i Hercegovini. Upravni odbor Agencije odgovoran je za predlaganje zakona i drugih akata na nivou entiteta, kao i izmjena i dopuna postojećih zakona iz ove oblasti, davanje saglasnosti na nacрте, odnosno prijedloge zakona i drugih akata, koje predloži jedan ili oba entiteta. Upravni odbor Agencije je nadležan za arbitražu u slučaju sporova između entitetskih agencija za osiguranje. Upravni odbor Agencije ima sedam članova, od kojih po dva člana predlažu entitetska ministarstva finansija i to po jednog člana iz nadležnog ministarstva finansija, a drugog iz oblasti osiguranja, dok druga dva člana i predsjednika Upravnog odbora imenuje Vijeće ministara Bosne i Hercegovine.

Aktivnosti za realizaciju programa

Agencija treba realizovati osnovnu ulogu na tržištu a to je osigurati da zakoni u oblasti osiguranja budu ujednačeni kako bi se obezbijedio jednak i ravnopravan odnos prema svim društvima za osiguranje i da se osigura jednaka pravna zaštita za ugovarače osiguranja i za podnosiocе odštetnih zahtjeva u Bosni i Hercegovini. Zakoni i podzakonski akti kojim je regulisana oblast osiguranja u entitetima nisu u potpunosti harmonizirani. Realiziranjem programa i programske aktivnosti u narednom periodu i realiziranjem zakonodavne uloge Upravnog odbora Agencije u procesu donošenja zakona iz oblasti osiguranja, nastojat će se postići veća uloga Agencije u procesu harmoniziranja zakona i podzakonskih akata, a što bi doprinijelo većem stepenu harmonizovanih zakona u oblasti osiguranja u Bosni i Hercegovini.

Međunarodna saradnja u sektoru osiguranja je od izuzetnog značaja iz razloga što se radi o specifičnim uslugama u oblasti osiguranja i potrebi saradnje institucija koje se bave regulativom, nadzorom i kontrolom učesnika na tržištu. Sve to vodi ka stvaranju jedinstvenog prostora u sektoru osiguranja koje bi osiguralo neometano odvijanje svih aktivnosti između osiguravajućih i reosiguravajućih društava kako u zemlji tako i van njenih granica. Agencija će u saradnji sa entitetskim agencijama za nadzor osiguranja poduzeti sve neophodne aktivnosti kako bi se doprinijelo unapređenju saradnje sa regulatornim organima drugih zemalja kao i unaprijedio nadzor i regulacija sektora osiguranja u Bosni i Hercegovini.

Statistički podaci u osiguranju kao i pokazatelji koji se dobivaju na osnovu prikupljenih podataka su od velikog značaja u cilju praćenja trendova i izračuna za rizike koje osiguravajuća društva preuzimaju u svoj portfelj. Kroz program i programsku aktivnost u okviru ovog cilja planirane su aktivnosti koje će doprinijeti unapređenju prikupljanja statističkih podataka, njihovu obradu i objavljivanje. Agencija za period 2026.-2028. godine nema planiranih projekata.

5. Resursi i kapaciteti potrebni za postizanje ciljeva

Agencija nastoji ojačati kapacitete i postići najbolje prakse zemalja Evropske unije. Takođe, Agencija nastoji povećati međusobnu usaglašenost u oblasti osiguranja u Bosni i Hercegovini, kao i povećati usklađenost entitetskih zakona u oblasti osiguranja u Bosni i Hercegovini sa propisima Evropske unije.

Pravilnikom o unutrašnjoj organizaciji, Agencija ima 11 sistematizovanih radnih mjesta od čega: 1 rukovodeći državni službenik-direktor, 9 državnih službenika i 1 zaposlenik, pa je i dalje kao i u prethodnim godinama prisutan rizik nedovoljnih kadrovskih kapaciteta Agencije, u smislu specifičnih radnih mjesta i broja izvršilaca, zbog kojih je realizacija programskih aktivnosti u okviru planiranih rokova bila otežana.

Sa 30.06.2025. godine popunjeno je 10 radnih mjesta, odnosno popunjenost radnih mjesta iznosi 90,91%.

Tabela: Stanje zaposlenih na dan 30.06.2025. godine

Redni broj	Opis	Broj	Udio %
1.	Državni službenici	9	90%
2.	Zaposlenici	1	10%
	Ukupno	10	100

Tabela: Struktura popunjenosti radnih mjesta

Redni broj	Opis	Broj nepopunjenih radnih mjesta	Broj sistematizovanih radnih mjesta	% u odnosu na sistematizovani broj
1.	Državni službenici	1	10	10%
2.	Zaposlenici	0	1	0
	Ukupno	1	11	9,09

6. Okvir za praćenje provođenja plana

Definisanje ključnih pokazatelja

Nakon izrade Srednjoročnog programa rada Vijeća ministara Bosne i Hercegovine, Agencija je izradila svoj Srednjoročni plan rada za period 2026. - 2028. godine.

Tabela: Ključni pokazatelji uspjeha/rezultata


Ciljevi/Programi	Pokazatelj	Jedinica mjerenja	Polazna vrijednost 2025.	Ciljana vrijednost 2026.	Ciljana vrijednost 2027.	Ciljana vrijednost 2028.
Cilj programa: Povećati usklađenost propisa u oblasti osiguranja	Procenat razmatranih i usvojenih akata na Upravnom odboru u odnosu na broj pripremljenih	%	0	50	52	54
	Stepen ispunjenosti obaveza statističkog servisa i obaveza prema međunarodnim tijelima	Procenat	90	90	90	90
Program: Uskađivanje propisa u oblasti osiguranja	Broj urađenih i predloženih akata nadležnim institucijama	Broj	0	1	1	1

Metode za prikupljanje informacija o pokazateljima

Izvršenje Srednjoročnog plana rada Agencije za osiguranje u Bosni i Hercegovini pratiće se putem redovnih godišnjih izvještaja na osnovu izvještaja o izvršenju godišnjih planova rada. Podatke o provođenju Srednjoročnog plana rada prikupljat će Agencija. Izvještaj o provođenju Srednjoročnog plana rada izrađuje Agencija u propisanom formatu i roku.

Osnovni zaključci prethodnog Izvještaja o provođenju plana rada

Sačinjen je Prijedlog Analize usaglašenosti zakona kojima se uređuje rad društava za osiguranje kao i Prijedlog Revidirane Smjernice za usaglašavanje zakona o obaveznim osiguranjima u saobraćaju Federacije Bosne i Hercegovine i Republike Srpske, ali materijalni nisu mogli biti razmatrani obzirom da je tokom cijele 2024. godine Agencija funkcionisala bez Upravnog odbora Agencije. Predstavnici Agencije su učestvovali na 7.sastanku Pododбора za unutrašnje tržište i konkurenciju, uključujući zaštitu zdravlja i potrošača, koji je održan online 29. februara 2024.godine. Agencija je u izvještajnom periodu uzele učešće u sačinjavanju Dokumenta za diskusiju za 8.sastanak Pododбора za unutrašnje tržište i konkurenciju, uključujući zaštitu zdravlja i potrošača, koji se održao u martu 2025. godine. Agencija za osiguranje u Bosni i Hercegovini je u zadnjem kvartalu 2024. godine postala punopravna članica Međunarodnog udruženja supervizora u osiguranju (International Association of Insurance Supervisors - IAIS). Član je grupe Regionalne mreže jugoistočne Evrope za osiguranje od katastrofa i podjelu rizika u sklopu Savjeta za regionalnu saradnju (Regional Cooperation Council - RCC).



v.d. Direktor
Adem Zolota

b) AKCIONI PLAN:

Obrazac 1: PREGLED MJERA I VEZA SA STRATEŠKIM OKVIROM

Tabela 1. Pregled mjera i povezanih elemenata preuzetih iz SPRVM, odnosno relevantnih strateških dokumenata

R.b	Strateški cilj II:	Osigurati očrživ i pametan ekonomski razvoj												
R.b.	Prioritet I:	Poticajno okruženje za razvoj												
R.b.	MJERA	Veza sa strateškim dokumentom	Pokazatelj (jedinica mjere)	Početna vrijednost pokazatelja (n)	Ciljane vrijednosti pokazatelja			Programska aktivnost/projekat u okviru koje se planiraju sredstva za provođenje mjere / kandidovani projekat **	Izvor finansiranja za realizaciju mjere ukupno za period od n+1 do n+3 (označiti izvor bez kvantifikacije)					
					n+1	n+2	n+3		Budžet	Kredit	Donacija / grant	Ostali izvori	n/a***	
1.1.1.														
...														
1.1.n.														

Agencija za osiguranje u Bosni i Hercegovini nema mjera iz strateških dokumenata, jer nema relevantnog strateškog dokumenta koji se odnosi na oblast osiguranja.

Tabela 2. Pregled projekata koji neposredno doprinose realizaciji prioriteta i strateških ciljeva

R.b.	Strateški cilj II:	Osigurati održivi i pametan ekonomski razvoj						
R.b.	Prioritet 1:	Poticajno okruženje za razvoj						
R.b.	Naziv projekta*	Status projekta**	Izvor finansiranja (označiti izvor bez kvantifikacije)					Rok završetka projekta****
			Budžet	Kredit	Donacija / grant	Ostali izvori	n/a***	

Agencija za osiguranje u Bosni i Hercegovini nema projekata.

b) AKCIONI PLAN:

Obrazac 2: PREGLED PROGRAMA, PROGRAMSKIH AKTIVNOSTI, PROJEKATA I PLANIRANIH AKATA

Tabela 1. Planirane programske aktivnosti i projekti za koje su osigurana sredstva

NAZIV PROGRAMA: Usklađivanje propisa u oblasti osiguranja															
CILJ PROGRAMA:		Povećati usklađenost propisa u oblasti osiguranja													
R.b.	Pokazatelj ishoda (jedinica mjere)	Početna vrijednost 2025	Ciljana vrijednost												
			2026	2027	2028										
1.	Procenat razmatranih i usvojenih akata na Upravnom odboru u odnosu na broj pripremljenih	0	50	52	54										
2.	Stepen ispunjenosti obaveza statističkog servisa i obaveza prema međunarodnim tijelima	90	93	96	97										
.....															
R.b.	PROGRAMSKA AKTIVNOST/PROJEKAT (šifra projekta u PIMIS-u)	Pokazatelj rezultata (jedinica mjere)	Početna vrijednost 2025	Ciljana vrijednost			Procjena troškova				Izvori finansiranja				
				2026	2027	2028	2026	2027	2028	Ukupno za PA/projekat	Budžet	Kredit	Donacija/grant	Ostali izvori	Ukupno za PA/projekat
1.	Unapređenje usklađivanja propisa na tržištu osiguranja	Procenat razmatranih i usvojenih akata na Upravnom odboru u odnosu na broj pripremljenih	0	50	52	54	377.500	358.000	364.000	1.099.500	1.099.500				1.099.500
		Stepen ispunjenosti obaveza statističkog servisa i obaveza prema međunarodnim tijelima	90	93	96	97	377.500	358.000	364.000	1.099.500	1.099.500				1.099.500
UKUPNO ZA PROGRAM :							755.000	716.000	728.000	2.199.000	2.199.000	0	0	0	2.199.000

Tabela 2: Planirani projekti za koje nisu osigurana sredstva

PROGRAM	KANDIDOVANI PROJEKAT (šifra projekta u PIMIS-u)	Planirani početak projekta	Ukupna procijenjena vrijednost
Program 1	Pr 3 (IBIH-XX-3)		
	...		
	Pr m (IBIH-XX-m)		
UKUPNO ZA PROGRAM 1:			0
Program n	...		
UKUPNO ZA PROGRAM n:			0
UKUPNO :			0

Agencija nema planiranih projekata za koje nisu osigurana sredstva.

Tabela 3. Plan pripreme akata

1. Zakoni/podzakonski akti koji se dostavljaju Vijeću ministara BiH					
R.b.	Naziv zakona / podzakonskog akta	Organizaciona jedinica(e) odgovorna(e) za pripremu	Institucija odgovorna za upućivanje prijedloga Vijeću ministara BiH	Usklađenost sa pravnim naslijeđem EU (DA ili NE)	Planirani rok za pripremu
1.	Zakon o izmjenama i dopunama Zakona o Agenciji za osiguranje u Bosni i Hercegovini	Odjeljenje za usklađivanje zakonodavstva, arbitražu, pravne, kadrovske i opšte poslove Odjeljenje za međunarodnu saradnju, finansije, statistiku i aktuarstvo	Agencija za osiguranje u Bosni i Hercegovini	NE	2026
2.	Pravilnik o postupcima za rješavanje sporova u oblasti osiguranja	Odjeljenje za usklađivanje zakonodavstva, arbitražu, pravne, kadrovske i opšte poslove	Agencija za osiguranje u Bosni i Hercegovini	NE	2026

2. Podzakonski akti koje donosi rukovodilac institucije BiH				
R.b.	Naziv podzakonskog akta	Organizaciona jedinica(e) odgovorna(e) za pripremu	Usklađenost sa pravnim naslijeđem EU (DA ili NE)	Planirani rok za donošenje
1.	Pravilnik o izmjenama i dopunama Pravilnika o unutrašnjoj organizaciji Agencije za osiguranje u Bosni i Hercegovini	Odjeljenje za usklađivanje zakonodavstva, arbitražu, pravne, kadrovske i opšte poslove Odjeljenje za međunarodnu saradnju, finansije, statistiku i aktuarstvo	NE	2026.

3. Strateški dokumenti				
R.b.	Naziv strateškog dokumenta	Organizaciona jedinica(e) odgovorna(e) za pripremu	Institucija odgovorna za upućivanje prijedloga Vijeću ministara BiH	Planirani rok za pripremu

4. Međunarodni ugovori, sporazumi ili konvencije				
R.b.	Naziv međunarodnog ugovora, sporazuma ili konvencije	Organizaciona jedinica(e) odgovorna(e) za pripremu/pokretanje inicijative	Institucija odgovorna za upućivanje prijedloga Vijeću ministara BiH i Predsjedništvu BiH	Planirani rok za pripremu/ pokretanje inicijative

b) AKCIONI PLAN

Prilog 3: Lista visokih i kritičnih strateških rizika Agencije za osiguranje u Bosni i Hercegovini i mjera za otklanjanje rizika

Agencija za osiguranje u Bosni i Hercegovini nema listu visokih i kritičnih strateških rizika.